



Vaksdal kommune

MØTEINNKALLING LEVEKÅRSUTVALET

Møtedato: 26.09.2016
Møtested: Heradshuset, Dale
Møtetid: 09:15 - 11:30

Eventuelle forfall / melding om møtande varamedlem må meldast til Sølvi Legård epost
solvi.legard@vaksdal.kommune.no

SAKSLISTE

SAKSNR	TITTEL
17/2016	GODKJENNING AV INNKALLING OG SAKSLISTE
18/2016	GODKJENNING AV MØTEBOK
19/2016	REFERATSAKER OG MELDINGAR
20/2016	DRØFTINGAR/ORIENTERINGAR

16. september 2016

Magne Hestad
Leiar



SAKSPAPIR

Saksnr	Utval	Type	Dato
17/2016	Levekårsutvalet	PS	26.09.2016

Sakshandsamar	Arkiv	ArkivsakID
Sølvi Legård	FE - 033	16/1264

GODKJENNING AV INNKALLING OG SAKSLISTE

Rådmannen sitt framlegg til vedtak:

Innkalling og saksliste vert godkjent.



SAKSPAPIR

Saksnr	Utval	Type	Dato
18/2016	Levekårsutvalet	PS	26.09.2016

Sakshandsamar	Arkiv	ArkivsakID
Sølvi Legård	FE - 033	16/1264

GODKJENNING AV MØTEBOK

Vedlegg:

Protokoll - Levekårsutvalet - 30.05.2016

Rådmannen sitt framlegg til vedtak:

Møteboka vert godkjent slik ho ligg føre.



MØTEPROTOKOLL LEVEKÅRSUTVALET

Møtedato: 30.05.2016
Møtestad: Heradshust, Dale
Møtetid: 09:15 - 11:30

ORIENTERING / DRØFTING:
Diverse orienteringar frå rådmannen

Møtedeltakarar:

Medlemmer	Parti	Rolle
Magne Hestad	AP	Utvalsleiar
Anders Jin Risnes	AP	Medlem
Anneli Vatile Lilletvedt	H	Medlem
Brita Hesjedal Lunde	AP	Medlem
Evelyn Boge	SV	Medlem
Tom Charles Johnsen	MDG	Medlem

Varamedlemmer	Parti	Rolle
Jarle Audestad	SP	Varamedlem

Forfall	Parti	Møtande varamedlem
Hege Eide Vik	SP	

Andre møtande:
Fung. rådmann Åse Elin Myking
Kommunalsjef Ann Kristin Bolstad

Saksliste

SAKSNR	TITTEL
13/2016	GODKJENNING AV INNKALLING OG SAKSLISTE
14/2016	GODKJENNING AV MØTEBOK
15/2016	SKULESTRUKTUR I VAKSDAL KOMMUNE - UTTALE FRÅ LEVEKÅR
16/2016	RÅDMANNNS FRAMLEGG TIL ØKONOMIPLAN 2017 - 2020



13/2016: GODKJENNING AV INNKALLING OG SAKSLISTE

Rådmannen sitt framlegg til vedtak:

Innkalling og saksliste vert godkjent.

Levekårsutvalet 30.05.2016

Behandling:

Samrøystes

Protokollmerknad frå MDG: sak 16/2016 om økonomiplan vart sendt ut for seint i forhold til frister for utvalet.

Utvalsleiar minna om at økonomiplanen var lagt fram/delt ut for heile kommunetyret 23.mai.

LEV - sak 13/2016 Vedtak

Innkalling og saksliste vart godkjent.

14/2016: GODKJENNING AV MØTEBOK

Rådmannen sitt framlegg til vedtak:

Møteboka vert godkjent slik ho ligg føre.

Levekårsutvalet 30.05.2016

Behandling:

Samrøystes

LEV - sak 14/2016 Vedtak

Møteboka vert godkjent slik ho ligg føre.

15/2016: SKULESTRUKTUR I VAKSDAL KOMMUNE - UTTALE FRÅ LEVEKÅR

Rådmannen sitt framlegg til vedtak:

Utval for levekår tek sak om skulestruktur til orientering.



Levekårsutvalet 30.05.2016

Behandling:

Evelyn Boge (SV, H, MDG) fremja slikt forslag til vedtak:

1. *Kommunestyret vel alternativ OB og ber administrasjonen arbeida vidare med dette alternativet. som inkluderer ny Barne- og ungdomsskule på Dale og nytt tilbygg på Vaksdal skule.*
2. *Kommunestyret ber om at endeleg val av tomt og kostnadskalkyle for ny Dale barne- og ungdomsskule, samt nytt tilbygg på Vaksdal skule vert å handsame samstundes og lagt fram for endeleg vedtak i budsjett for 2017.*

Magne Hestad (Ap) gjorde slikt framlegg til vedtak om skulestruktur og ny skule på Dale:

A. Vaksdal kommunestyre føretek følgjande endringar i skulestrukturen:

1. *Elevane på barnesteget på Eidsland vert overført til Stamnes skule f.o.m. 01.08.2017.*
2. *Elevane på ungdomsteget på Eidsland vert overført til Dale barne- og ungdomsskule f.o.m. 01.08.2017.*
3. *Elevane på mellomsteget på Stamnes vert overført til Dale barne- og ungdomsskule f.o.m. 01.08.2017.*
4. *Elevane på mellomsteget ved Stanghelle skule vert overført til Dale barne- og ungdomsskule når ny skule på Dale er ferdig.*
5. *Elevane på mellomsteget ved Vaksdal skule vert overført til Dale barne- og ungdomsskule når ny skule på Dale er ferdig.*
6. *Forskrift om skulekrinsar i Vaksdal vert handsama i eiga sak når skulestrukturen er endeleg vedteke*

B. Kommunestyret fastset følgjande for ressurstildelinga til skulane i Vaksdal:

1. *Når to klassesteg i 1.-4.klasse går i lag skal det ikkje vera fleire enn 24 elevar i klassen.*
2. *Når to klassesteg på mellomsteget går i lag i norsk, matematikk og engelsk skal det ikkje vera fleire enn 20 elevar i klassen.*

C. Ny skule på Dale: Administrasjonen fremjar sak om ny skule på Dale med plass til:

- *1.-4.klasse for elevar frå Dale skulekrins*
 - *5.-10.klasse for elevar frå Dale, Eidsland, Stamnes, Stanghelle og Vaksdal skulekrins*
- Utover eit nøktern og funksjonelt bygg som stettar krava til moderne skuledrift skal administrasjonen koma med framlegg om tenlege løysingar for samlokalisering av andre tenester.*

D. Vaksdal skule: Administrasjonen fremjar sak om ombygging /rehabilitering av Vaksdal skule med tanke på ein skule for 1.-4.klasse og bibliotek. Dersom ein framtidig jernbanestasjon medfører at Vaksdal senter må rivast, må saka omfatta bygging av ny tenleg kombinert samfunnssal og kroppsøvningslokale.

E. Stamnes skule: Administrasjonen fremjar sak om flytting av barnehagen til skulen med tanke på å etablere eit oppveksttun frå 0 -10 år i Sanden. Uteområdet skal oppgraderast

Avrøysting:

Framlegget frå SV,H, MDG fekk 4 stemmer (SV,H,MDG,SP)

Framlegget frå AP fekk 3 stemmer (AP) og falt



LEV - sak 15/2016 Vedtak:

Uttale frå levokårsutvalet:

1. Kommunestyret vel alternativ OB og ber administrasjonen arbeida vidare med dette alternativet. som inkluderer ny Barne- og ungdomsskule på Dale og nytt tilbygg på Vaksdal skule.
 2. Kommunestyret ber om at endeleg val av tomt og kostnadskalkyle for ny Dale barne- og ungdomsskule, samt nytt tilbygg på Vaksdal skule vert å handsame samstundes og lagt fram for endeleg vedtak i budsjett for 2017.
-

16/2016: RÅDMANNNS FRAMLEGG TIL ØKONOMIPLAN 2017 - 2020

Rådmannen sitt framlegg til vedtak:

Utval for levokår gjer slik uttale

Levekårsutvalet 30.05.2016

Behandling:

Forslag til vedtak frå SV, Høgre og MDG:

1. Økonomiplanen vert teken til orientering. Partia vil kome attende med sine prioriteringar i formannskap og kommunestyre.
2. Levekårsutvalet ber om at kapitalbudsjettet vert endra slik at det føl same oppsett som tidlegare. Postane må vera samanliknbare.

Avrøysting: Samrøystes

LEV - sak 16/2016 Vedtak:

Uttale frå levokårsutvalet:

1. Økonomiplanen vert teken til orientering. Partia vil kome attende med sine prioriteringar i formannskap og kommunestyre.
 2. Levekårsutvalet ber om at kapitalbudsjettet vert endra slik at det føl same oppsett som tidlegare. Postane må vera samanliknbare.
-



SAKSPAPIR

Saksnr	Utval	Type	Dato
19/2016	Levekårsutvalet	PS	26.09.2016

Sakshandsamar	Arkiv	ArkivsakID
Sølvi Legård	FE - 033	16/1264

REFERATSAKER OG MELDINGAR

Underliggjande saker:

Saksnummer	Tittel
19/2016.1	Lev Vel i Vaksdal - rapport forprosjekt

Rådmannen sitt framlegg til vedtak:

Referatsakene vert tatt til orientering.



Prosjekt «Lev Vel i Vaksdal - Meistring og deltaking heile livet» **Rapport forprosjekt juni 2015 – juni 2016.**

Bakgrunn

Prosjektet «Lev Vel i Vaksdal – meistring og deltaking heile livet» skal leggja til rette for og bidra til realisering av planane frå tidlegare OU-arbeid i helse og omsorg og av strategiane i Kommunedelplan helse og omsorg. Prosjektet skal sikra at me får gode og framtidsretta helse- og omsorgstenester i kommunen, og at tilgjengelege ressursar vert nytta på beste måte. Prosjektet er heimla i gjeldande økonomiplan og budsjett for Vaksdal kommune og er godt forankra både administrativt og politisk.

Hovudmålsetning for prosjektet:

- Meistring og deltaking heile livet.
- Mobilisera og engasjera samfunnet sine omsorgsressursar.
- Framtidsretta og berekraftige tenester.
- Systematisk og kontinuerleg utvikling og innovasjonsarbeid.

Prosjektet har to hovudsatsingsområde:

1. Utvikling av eit ressurscenter/ «minibygd» for demens i Jamne-området ved Vaksdal sjukeheim med ulike buløysingar, tilrettelagt inne- og uteområde og base for kompetanse og tenester innan demensfeltet.
2. Oppretting av Helsehus på Daletunet med fokus på opptrening og rehabilitering og eigen brukarlab for teknologiske løysingar.

I følgje prosjektskisse som vart vedteken av Kommunestyret 22. juni 2015, skulle forprosjektet:

- Utgreia faglege, teknologiske og økonomiske forhold knytt til satsingsområda.
- Setja i gang innovative anskaffingsprosessar med leverandørar av teknologiløysingar.
- Etablera dialog og medverknad frå enkeltpersonar, pårørande, frivillige, lag og organisasjonar.
- Innhenta kunnskap og erfaringar og utforma skisse for vidare planlegging.

Igangsetting av innovative anskaffingsprosessar er utsett til implementeringsfase/hovudprosjekt. Dei andre punkta er det jobba med, og fleire arbeidsgrupper samansett av leiarar, tilsette, tillitsvalde og verneombod har vore i arbeid.

I tråd med prosjektskissa har rådmannen si leiargruppe vore styringsgruppe for forprosjektet. Kommunestyret er prosjekteigar, og Utval for levekår er referansegruppe. Rådmannen er prosjektansvarleg. Kommunestyret vedtok 29.02.16 prosjektorganisering med styrings- og prosjektgruppe. Kommunestyret er representert i begge grupper. Brukarrepresentantar og tilsette sine representantar er medlem av prosjektgruppa.

Tilskot frå Fylkesmannen i 2015 gjorde det mogeleg for ein stor del av dei tilsette å delta på kompetansehevande tiltak: møte og dagskurs internt og eksternt, konferanser og kursrekkjer, vidareutdanning og nettverksdeltaking. Me har jobba målretta med kompetanseheving i tråd med kompetanseplan. T.d. var 20 tilsette på to dagars kurs i Oslo i desember. Dei deltok på to aktuelle kurs, og det var felles samling med diskusjon og sosialt samvær om kvelden.

Me har fått utarbeida logo for prosjektet, og er i ferd med å utarbeida kommunikasjonsplan som skal sikra

Post

post@vaksdal.kommune.no
Konsul Jebsensgt. 16, 5722 Dalekvam

Kontakt

www.vaksdal.kommune.no
Telefon +47 56 59 44 00
Telefaks +47 56 59 44 01

Konto
Org.nr. 961 821 967



god informasjonsflyt internt og eksternt. Det er lagt ut informasjon om prosjektet både på intranettet «Skyttelen» og på heimesida til Vaksdal kommune.

Forprosjektet har vekt merksemd og hausta ros og anerkjenning utanfor kommunen sine grenser. Sentrale prosjektmedarbeidarar hadde saman med forskarar frå Senter for omsorgsforskning Vest innlegg om satsinga på Solstrandkonferansen i april. Kommunalsjef hadde innlegg på samling for rådgivarar for Omsorgsplan 2020 frå alle Fylkesmennene i landet i tillegg til deltakarar frå Husbanken, Helsedirektoratet og Helse- og omsorgsdepartementet.

Prosjektet har fokus på reell brukarmedverknad både på system- og individnivå. På systemnivå vert det ivareteke av Eldrerådet og Råd for menneske med nedsett funksjonsevne. I seinare fasar vil det også skje gjennom Ungdomsrådet og representantar for pasientgrupper, pårørande, innbyggjarar og eventuelt andre interessentar.

Planar for hovudprosjektperioden:

Hovudprosjektperioden varer frå juli 2016 og ut 2018 (sjå framdrifts-/aktivitetsplan siste side). Det er inngått samarbeid med forskarar ved Senter for omsorgsforskning Vest, Senter for nyskaping og Institutt for byggfag og elektro ved Høgskolen i Bergen. Samarbeidet er planlagt å vera treårig, 2016 – 2018.

Forskinga skal bidra til å:

- Framskaffa og vurdera relevant forskning for best mogeleg avgjerdsgrunnlag.
- Utforma og prøva metodar og tolka og samanfatta ytringar for å gjera det mogeleg for personar med demens å bidra aktivt ved tilrettelegging og utforming av tenester.
- Vurdera dei ønskje og behov brukarane melder frå om i forhold til fysisk og teknologisk tilrettelegging for meistring og deltaking i viktige aktivitetar.
- Synleggjera mogelegheiter i prosjektet og bidra til kunnskapsbaserte og nyskapande val.
- Bidra ved kompetanseheving og styrka medarbeidarane sin (endrings-)kompetanse gjennom å gi dei forskingsbasert kunnskap for å komplementera den erfaringsbaserte kunnskapen.

Etter nærare utgreiing, kunnskapsinnhenting og arbeid i grupper har me valt å holda på dei to opprinnelege satsingsområda: Ressurssenter for demens i Jamneområdet ved Vaksdal sjukeheim og Helsehus med brukarlab for teknologiske løysingar på Daletunet.

RESSURSSENTER FOR DEMENS I JAMNEOMRÅDET VED VAKSDAL SJUKEHEIM.




Vaksdal sjukeheim ligg i eit bustadområde med fin utsikt og tilgjengeleg uteområde. Rett ved sjukeheimen ligg Maritvoll-huset og Jamnetunet med 14 aldersbustadar. Dette området ønskjer me i samarbeid med brukarar, pårørande og andre interessentar å tilretteleggja slik at me får heilheitlege tenestetilbod i eit heilskapleg bygdemiljø som:

- inneheld ulike bu- og aktivitetstilbod.
- skal ha godt tilrettelagde ute- og inneområde der personar med demens kan bu og ferdast

trygt, samstundes som dei kan delta i samfunnslivet og oppnå meistring.

- er tilrettelagt slik at pårørende, frivillige og andre innbyggjarar kjenner seg velkomne og i stand til å bidra og delta.
- samlar kompetanse og tenester innan demensområdet for å få heilheitlege og samanhengande tenester i ulike faser av sjukdomen.
- legg opp til at brukarane skal ha reell innflytelse på utforming av området, senteret og tilboda der.



For å utvikla senteret vil me nytta tilgjengeleg kunnskap, erfaringar frå andre, all drahjelp me kan få frå forskarar og andre samarbeidspartar, og i tillegg må me ta i bruk dei moglegeheiter moderne velferdsteknologi gir for denne diagnosegruppa.

Personar med demens er ei stor pasientgruppe som svært sjeldan får høve til å medverka ved utforming av tenester. «Demensplan 2020» og forskinga til Kjersti Wogn Henriksen viser at det

er mogleg å få til brukarmedverknad også for denne gruppa. Vår hypotese er at me ved hjelp av brukarmedverknad vil få betre og meir innovative tenester. Me har planar om å intervjuar personar med demens og deira pårørende for å høyra deira meiningar, ønskje og behov ved utforming av senteret.

Me ser på utforminga av senteret eller «minibygd» som innovasjon. Dette er nytt i dei norske kommunane. Me kjenner til demenslandsbyen i Nederland og liknande planar som er på teiknebrettet i Oslo-området, men me kjenner ikkje til andre kommunar som arbeider med akkurat denne typen integrerte løysingar.

Ressurssenter for demens skal realiserast trinnvis i eksisterande sjukeheim, ved ombygging og tilrettelegging av aldersbustadane, ved tilpassing av hage og uteområde, og ved å endra og tilpassa tenestetilbod.



HELSEHUS PÅ DALETUNET.

«Me ønskjer å utvikla Daletunet til eit Helsehus som vert ein base for å nå målsetninga om at flest mogleg skal kunne bu heime lengst mogleg og ha eit godt liv med meistring og deltaking. Fokus vert opptrening, rehabilitering, tilrettelegging, rådgiving og assistanse. Det er ønskjeleg med tett samhandling mellom heimebaserte tenester, korttidsavdeling, kvardagsrehabilitering og rehabiliteringspersonell og andre som bidreg i dette arbeidet. Det må også tilretteleggjast godt for brukarmedverknad og samarbeid med pårørende og frivillige, i tillegg til «vanlege» innbyggjarar. Helsehuset skal oppfattast som eit ope hus der ein er velkomen uansett kva rolle ein har.» (Frå

arbeidsgruppa sin rapport)



Det finst mange typar helsehus rundt om i landet, og dei kan ha svært ulikt innhald. Helsehuset på Daletunet har fysiske rammer ein må forholde seg til. Det er ein gamal bygning sett saman av ulike bygningskroppar frå ulike tidsrom, den eldste delen frå 1930. Bygget er på om lag 6680 kvadratmeter og inneheld alt frå sjukeheimsavdelingar, omsorgsbustadar, fellesareal, dagavdeling, kontor og base for heimetenesta og forvaltningskontoret, vaskeri, lager for kommunale hjelpemiddel til korttidsutlån m.m. I følgje Norconsult sin rapport etter tilstandsvurdering av bygningsmassa, er det klare utfordringar med bygget og store kostnader for vedlikehold i åra framover.

Arbeidsgruppa rår til å etablera Helsehuset gjennom ei trinnvis utvikling dei kommande åra: Trinn 1: Nyttå dagens bygg med mindre justeringar og endringar. Flytting av personell og grupper slik at ein får hensiktsmessig plassering i f.t. drift og god utnytting av bygget. Ombygging av inngangsparti og området innanfor bør vurderast og kostnadsbereknast. Trinn 2: Vidare utvikling av tilbod og tenester og eventuelt ombygging av delar av huset (1930-delen) for å samla fleire tenester under same tak i Helsehuset.

Eit område i bygninga skal utformast som brukarlab for teknologiske løysingar. Her kan ein få tips og sjå og prøva ulike løysingar og hjelpemiddel som kan vera til nytte i kvardagen. Eller ein kan komma med tips og råd til kva som kan vera smart å skaffa, utvikla eller prøva ut. Bruk av teknologi kan virka som ein brubyggjar mellom generasjonar og aldersgrupper, og me ønskjer å skapa eit ope område der «vanlege» innbyggjarar i alle aldrar kjenner seg like velkomne som brukarar, pårørande og tilsette.

For å finna ut kva type løysingar ein skal skaffa eller anbefala, vil me nytta brukarmedverknad og innspel frå både brukarar av tenester, pårørande, fagfolk og «eksperter» på området til liks med «vanlege» innbyggjarar. Me vil få hjelp frå forskarane til å innhenta forskingsresultat og kunnskap på området og sikra at me utøver «beste praksis». I tillegg vil me nytta dei mogelegheiter deltaking i utprøving og andre prosjekt gir oss. Me har til no avtale om å delta i følgjande eksterne prosjekt:



- Vaksdal er saman med Voss kommune pilotkommunar for testing av dusjløysinga AbleOn. Denne dusjløysinga er utforma for at personar som treng hjelp til dusjing, skal kunne dusja (meir) sjølvstendig, og er ein av fem løysingar av 416 påmelde som er med i finalen i den nordiske innovasjonskonkurransen «The Nordic Independent Living Challenge».
- Vaksdal er utplukka som kommune til å delta i prosjektet «Universell utforming av hvardagsteknologi for eldre» til Karde AS. Karde AS er eit tverrfagleg innovasjons- og rådgivingselskap som utviklar kunnskap og IKT-baserte tenester for personar med kognitive

utfordringer. Gjennom deltaking i prosjektet får me høve til å prøva ut fleire ulike teknologiske hjelpemiddel innanfor kommunikasjon, helse og velvære, husholdning og smarthus.

- Vaksdal har fått tilbod om å delta i «Trøndelagsprosjektet» som skal testa og utvikla verktøy som kan brukast i arbeid med diagnoseuavhengige meistringsgrupper i kommunal regi. Gjennom dette samarbeidet vil me få kompetanse på området, få prøva ut aktuelle verktøy og få drahjelp til å starta grupper med fokus på eigenmeistring. Brukarrepresentant frå kommunen skal delta i heile forløpet, frå planlegging og opplæring til evaluering.

Framdriftsplan/aktivitetar:

Organisering/prosjektstart	2016	2017	2018	2019
Felles kickoff for hovudprosjekt	X			
Prosjektorganisering, oppstart styrings- og prosjektgruppe	X			
Etablering/justering av arbeidsgrupper	X	X	X	
Generelle oppgåver/aktivitetar - felles				
Innhenting og utarbeiding av kunnskapsgrunnlag	X	X		
Kompetanseheving, nettverksarbeid	X	X	X	X
Brukarmedverknad i planlegging og utprøving	X	X	X	X
Samarbeid med og medverknad frå pårørande	X	X	X	X
Samarbeid med frivillige		X	X	X
Medarbeidardriven innovasjon – medverknad frå tilsette	X	X	X	X
Innovative anskaffelsar		X	X	
Samarbeid med forskingsmiljø	X	X	X	
Organisatoriske endringar	X	X	X	
Vidareformidling, kunnskaps- og erfaringsspreiing	X	X	X	X
Oppgåver knytt til delprosjekt				
Design og innføring av nye tenester, t.d. kvardagsrehabilitering	X	X	X	X
Fysisk utforming og analyse av eksisterande areal	X	X	X	
Samling av begge skjerma einingar på Vaksdal sjukeheim	X			
Ulike buformer med teknologi i Jamneområdet		X	X	
Uteområde tilrettelagt med teknologi		X	X	
Etablert ressurscenter / «minibygd» for personar med demens				X
Utprøving av aktuell teknologi Helsehus	X	X	X	
Utvikling av brukarlab på Helsehus		X	X	
Kvardagsrehabilitering innført som teneste	X			
Intern flytting av avdelingar/tenester på Helsehuset	X	X		
Etablert Helsehus med brukarlab				X
Arbeid med heiltidskultur og alternative turnusar	X	X	X	X
Kvardagsmeistring innført som grunnlag for tenester			X	
Aktivitetar med andre aktørar				
Teknologiutprøving gjennom Karde AS sitt prosjekt	X	X		
Pilotkommune for dusjløysing Able On	X	X		
Meistringsgruppe gjennom «Trøndelagsprosjekt»	X	X		
Forskningsprosjekt brukarmedverknad demens		X	X	

Økonomiske forhold:

Det er sett av prosjektmidlar og investeringsmidlar til utvikling av Helsehus og Ressurscenter for demens i

økonomiplan og budsjett.

Tilstandsrapporten frå Norconsult viser eit vedlikehaldsetterslep for helsebygningar i Vaksdal kommune. For oppgradering av 1930-bygningsdelen av Daletunet er strakstiltak innan eit år oppgitt å vera 2,67 millionar, 10,87 millionar for dei neste 5 åra, og dei neste 20 åra vil summen passera 45 millionar for denne eldste delen av Daletunet. Ombyggingskostnader er stipulert til 15.000,- pr. m2 dersom ytterveggar og etasjeskilje vert ståande urørt. Nybygg er kostnadsberekna til 30.000,- pr. m2. Vanlegvis gir ikkje Husbanken støtte til denne typen ombygging eller oppgradering.

Vaksdal sjukeheim er i relativt god stand, og det er ikkje naudsynt med store byggtkniske oppgraderingar. P.g.a. tilskot/lån frå Husbanken er det restriksjonar på korleis sjukeheimsgruppene kan byggjast om og nyttast. For Maritvoll oppgir Norconsult eit vedlikehaldsetterslep på tilsvarande 11,6 millionar dei neste 5 åra, og 4,8 millionar dei neste 6-20 åra. Då vil bygninga vera sameleis som i dag, d.v.s. ikkje universelt utforma eller tilpassa dagens krav til helsebygg. Kostnader for ombygging er ikkje vurdert. Nybygg er estimert til 12,4 millionar. Jamnetunet har eit vedlikehaldsetterslep dei neste 5 åra på 8,6 millionar, og for dei neste 6-20 åra er det estimert til 22,9 millionar. For oppgradering av Jamnetunet er det mogeleg å søkja Husbanken om lån og tilskot. Då vil truleg aldersbustadane verta omgjorde til omsorgsbustadar.

Førebuing og tilrettelegging for bruk av velferdsteknologi trengst på begge institusjonane, på Jamnetunet og eventuelt i bygning på Maritvoll-tomta. Det må mellom anna leggjast til rette for bruk av varslingsstekniske hjelpemiddel, og institusjonane treng trådløst nett.

For 2016 og hovudprosjektperioden har ikkje prosjektet til no fått ekstern økonomisk støtte. Søknader som er sendt:

- Kompetanse- og innovasjonsmidlar frå Fylkesmannen for 2016.
- Søknad om forskingsmidlar frå Regionalt forskingsråd for 2016 – 2018. Gjeld demenssatsinga.
- Søknad om forskingsmidlar frå Extrastiftelsen, via Nasjonalforeningen for folkehelse, for 2017 – 2018. Gjeld delprosjektet om brukarmedverknad for personar med demens og pårørande.

Me meiner verdiskapingspotensialet i prosjektet er stort. Mange brukarar og deira pårørande vil kunne oppnå auka livskvalitet. Tilsette vil kunne få auka kompetanse og jobbtilfredsheit, og kommunen vil kunne nytta ressursane betre og effektivisera drift.

Vidare framover må ein også vurdere dei konsekvensar denne satsinga saman med anna utviklingsarbeid vil få for organisering av helse og omsorg. Truleg vil det verta aktuelt med anna organisering innad i tenesteområdet, og dette kan også gi konsekvensar eller ringverknader for andre tenesteområde, mest truleg over mot oppvekst.



SAKSPAPIR

Saksnr	Utval	Type	Dato
20/2016	Levekårsutvalet	PS	26.09.2016

Sakshandsamar	Arkiv	ArkivsakID
Sølvi Legård	FE - 033	16/1264

DRØFTINGAR/ORIENTERINGAR

Vedlegg:

Nytt til barnehage- og skulestart 2016

- Omvising og presentasjon av Vaksdal introcenter (VIS)
- Nytt til barnehage- og skuleåret 2016 (sjå vedlegg)
- Orienteringar frå Helse og omsorg
- Diverse orienteringar frå rådmannen

Nytt til skolestart 2016

Informasjonen som følger er henta frå www.udir.no

Frivillig ferdighetsprøve i svømming

Fra høsten innføres en ferdighetsprøve i svømming for elever på 1. til 4. trinn. Ferdighetsprøven er frivillig skoleåret 2016-2017, men blir deretter obligatorisk.

Fag- og timefordelingen 2016-2017

Endringene:

- Fordypning i matematikk blir et alternativ til fremmedspråk på ungdomstrinnet på linje med fordypningsfagene i norsk, samisk og engelsk.
- Timetallet i naturfag er økt med 38 timer på 5.-7.trinn, som betyr at det totale timetallet for 1.-10. trinn øker med 38 timer
- 155 skoler har fått innvilget forsøk med programmering valgfag på ungdomstrinnet.

Alle nasjonale prøver gjennomføres elektronisk

Høsten 2016 skal nasjonale prøver i lesing gjennomføres elektronisk. Det betyr at alle de nasjonale prøvene nå er elektroniske. Gjennomføringen av leseprøvene blir lik som for prøvene i regning og engelsk.

Nytt nettsted om mobbing

På det nye nettstedet www.nullmobbing.no finner barn, unge og foreldre informasjon og råd om mobbing og deres rettigheter. Kunnskapsminister Torbjørn Røe Isaksen vil at nettstedet skal være lett tilgjengelige for barn, unge og foreldre. Derfor ønsker han at alle barnehager, skoler, deres eiere og fylkesmenn legger nullmobbing.no-logoen på sine egne nettsider, læringsplattformer og lignende innen barnehage og skolestart.

Andre lovendringer fra Kunnskapsdepartementet

Det er presisert at opplæringsplikten faller bort ved utenlandsopphold som varer mer enn tre måneder (§ 2-1 andre ledd), og anbefalingen om maksimal skolestørrelse i grunnskolen er fjernet (§ 9-5 andre ledd blir opphevet). Stortinget har vedtatt endringene i opplæringsloven. Endringene trådte i kraft 1. august 2016.

Nytt til barnehagestart 2016

Informasjonen som følger er henta frå www.udir.no

Tilretteleggingsmidler

Fra 15. august til 15. september kan barnehageeier for første gang søke om tilretteleggingsmidler for ansatte som ønsker kompetanseheving.

Tilskudd til svømming

Kommuner, frivillige organisasjoner og barnehager kan søke om tilskudd for å gi barn i alderen 4-6 år i barnehage får bedre svømmeferdigheter og blir trygge i vann.

Nasjonal foreldreundersøkelse

Vi har laget en nasjonal foreldreundersøkelse for barnehager. Høsten 2016 blir undersøkelsen tilgjengelig for alle barnehager fra 1. til 30. november.

Barn som fyller ett år i september og oktober

Barn som fyller ett år i september eller oktober har rett til barnehageplass fra den måneden de fyller ett år (barnehageloven § 12a)

Spesialpedagogisk hjelp

Retten til spesialpedagogisk hjelp og retten til tegnspråkopplæring for barn under opplæringspliktig alder er flyttet fra opplæringsloven til barnehageloven. Det innebærer også at fritak for foreldrebetaling for timer med spesialpedagogisk hjelp faller bort. Foreldre som får vedtak om spesialpedagogisk hjelp etter 1. august får ikke fritak for timene. Foreldre som allerede har fått vedtak for barnehageåret 2016/2017 etter gammelt regelverk, har krav på fritak så lenge vedtaket gjelder.

PP-tjenesten får også plikt til å bistå barnehagene med kompetanse- og utviklingsutvikling, og kommunen får en tilretteleggingsplikt for barn med nedsatt funksjonsevne.

Tilsyn med enkeltbarnehager

Fylkesmannen kan føre tilsyn med enkeltbarnehager.

Varig dispensasjon

Vi har hatt på høring et forslag om å fjerne kommunens mulighet til å innvilge varig dispensasjon for styrer og pedagogisk leder. Saken er under behandling.

Maksprisen for 2016

Fra 1. januar er maksprisen for foreldre 2 655,- per måned og 29 205,- per år.

Nytt nettsted om mobbing

På det nye nettstedet www.nullmobbing.no finner barn, unge og foreldre informasjon og råd om mobbing og deres rettigheter. Kunnskapsminister Torbjørn Røe Isaksen vil at nettstedet skal være lett tilgjengelige for barn, unge og foreldre. Derfor ønsker han at alle barnehager, skoler, deres eiere

og fylkesmenn legger nullmobbing.no-logoen på sine egne nettsider, læringsplattformer og lignende innen barnehageog skolestart.

Ny rammeplan i 2017

Revidert rammeplan vert etter planen innført i 2017.